

MIZORAM PRESBYTERIAN KOHHRAN
(*Presbyterian Church of India*)



SYNOD SOCIAL FRONT

(Registered as Charitable Society under the Societies Act XXI of 1860

Aizawl, Mizoram Vide No. SR 16 of 1987

Synod Office, Aizawl - 796001, Mizoram, India

SYNOD SOCIAL FRONT NGENNA

Synod Charity Store:

Synod Social Front chuan mi rethei leh harsa zawkte ñanpui kawnga Kohhran mipuite inphalna hi ñangkai taka hman anih theih nan Synod Charity Dawr hi kum 2016 añang khan a siam a. Synod Charity Store-a dah tur hian Kohhran hrang hrangah an thawmhñaw leh bungrua, la ñha lai, an hman mamawh tawh lohte lakhawm turin ngen ñhin an ni a, chungte chu Synod Charity Store-ah hian man tlawm te-in zawrh ñhin a ni. Mi harsa zual leh chhiat tawkte chu a thlawnin pek an ni bawk ñhin. Tunah hian Synod Charity Store hi hmun hnih - Zosaphara Building, Mission Veng-ah leh Vaivakawn Kohhran In, Synod Bookroom bulah siam a ni a. Hei hi mi tam takin an chhawr ñangkai mek a, mi harsa leh mamawhtu tam zawkin an chhawr ñangkai theih nan Kohhran mite inhriattir zel turin kan ngen e.

U pate In:

Khawvel hmasawn leh changkang zelah hian mitin mahni hna leh eizawna kawngah kan buaiin mahni in lumah pawh kan awm hman ta lo a ni ber a. Chuvangin chhungkuua nu leh pa leh pi leh pu mahni in chhunga khawhar taka awmte tan inkawmhlina hmun siam sak a, taksa, rilru leh thlarau lama hma an sawn zel theih nana enkawl leh ñanpui hi Synod chuan tulin a hria a. Kum 2016 añang khan U pate In chu Synod Conference Centre-ah hawn a ni a. U pate Inah hian kum lama upa, la lengchhuak peih hote an rawn lengkhawmin an inkawm hlim ve ñhin a, an tana infiamna hmanrua leh Television te dah a ni a, an chhun thingpui in tur te siamsak ñhin a ni bawk. U pate In hi kum lama upaten an hman ñangkai a, an inkawm hlim ve theih nan Kohhran mipuite zau zawka inhriattir zel turin kan ngen a ni.

Ram ngaw, nungcha leh tuihna humhalh:

Synod Social Front Committee chuan kan ram dinmun thlirin ram ngaw, nungcha leh tuihna humhalh kawngah mipuiten ñan kan lak zual zel ñulin a hria a. Synod Social Front Committee chuan Kohhran tinte leh Kohhran hnuaiia Sub-Committee hrang hrangte pawh an theih ang anga ram ngaw, nungcha leh tuihna humhalh kawnga ñan la zual zel turin a ngen a ni.

(REV. DR. K. LALLAWMZUALA)
Executive Secretary
i/c Synod Social Front